

## SABBATO.

De Isaia Propheta.

**Lectio j.** **Cap. vij.**

**E**T factum est in diebus Achaz filii Joathan, filii Oziae regis Juda, ascendit Rasin rex Syriae, et Phacee filius Romeliae rex Israel, in Jerusalem, ad proeliandum contra eam : et non potuerunt debellare eam. Et nuntiaverunt domui David, dicentes : Requievit Syria super Ephraim, et commotum est cor ejus, et cor populi ejus, sicut moventur ligna silvarum a facie venti. Et dixit Dominus ad Isaiam : Egrederere in occursum Achaz tu, et qui derelictus est Jasub filius tuus, ad extremum aqueductus piscinae superioris in via Agri fulonis. **R.** Ecce virgo. **191.**

**Lectio ij.**

**E**t dices ad eum : Vide ut sileas : noli timere, et cor tuum ne formidet a duabus caudis titionum fumigantium istorum in ira furoris Rasin regis Syriae, et filii Romeliae : eo quod consilium inierit contra te Syria in malum Ephraim, et filius Romeliae, dicentes : Ascendamus ad Judam, et suscite-

mus eum, et avellamus eum ad nos, et ponamus regem in medio ejus filium Tabeel. **R.** Audite. **192.**

**Lectio iij.**

**E**t adjecit Dominus loqui ad Achaz, dicens : Pete tibi signum a Domino Deo tuo in profundum inferni, sive in excelsum supra. Et dixit Achaz : Non petam, et non tentabo Dominum. Et dixit : Audite ergo domus David : Numquid parum vobis est, molestos esse hominibus, quia molesti estis et Deo meo? Propter hoc dabit Dominus ipse vobis signum. Ecce virgo concipiet, et pariet filium, et vocabitur nomen ejus Emmanuel. Butyrum et mel comedet, ut sciat reprobare malum, et eligere bonum. **R.** Ecce. **192.**

**V.** Vox clamantis in deserto, Parate viam Domini. **R.** Rectas facite semitas ejus.

**Ad Benedictus, Aña.** Sion noli timere, \* ecce Deus tuus veniet, alleluia.

AD VESPERAS.

**Capitulum.** **Rom. xv.**

**R**atres, Quaecumque scripta sunt, ad nostram doctrinam scripta sunt : ut per

patientiam, et consolationem Scripturarum, spem habeamus.

**Hymn.** Creator alme. **187.**

**V.** Rorate caeli desuper, et nubes pluant justum.

**R.** Aperiatur terra, et germinet Salvatorem.

**Ad Magnif. Aña.** Veni Domine \* visitare nos in pace, ut laetemur coram te corde perfecto.

**Oratio.**

**E**xcita Domine corda nostra ad praeparandas Unigeniti tui vias : ut per ejus adventum purificatis tibi mentibus servire mereamur. Qui tecum.

DOM. II. ADVENTUS.

AD MATUTINUM.

**Invitator.** Regem venturum Dominum, \* Venite adoramus. **Ps.** Venite. **2.**

**Hymnus.** Verbum. **4.**

In I. Nocturno.

De Isaia Propheta.

**Lectio j.** **Cap. xj.**

**E**grediatur virga de radice Jesse, et flos de radice ejus ascendet. Et requiescet super eum spiritus Domini : spiritus sapientiae, et intellectus, spiritus consilii, et fortitudinis, spiritus scientiae, et pietatis, et replabit eum spiritus timoris Do-

mini. Non secundum visionem oculorum judicabit, neque secundum auditum aurium arguet : sed judicabit in justitia pauperes, et arguet in aequitate pro mansuetis terrae.

**R.** Jerusalem, cito veniet salus tua : quare moerore consumeris? numquid consiliarius non est tibi, quia innovavit te dolor? \* Salvabo te, et liberabo te, noli timere. **V.** Ego enim sum Dominus Deus tuus, sanctus Israel, Redemptor tuus. — Salvabo.

**Lectio ij.**

**E**t percuet terram virga oris sui, et spiritu labiorum suorum interficiet impium. Et erit justitia cingulum lumborum ejus : et fides cinctorium renum ejus. Habitabit lupus cum agno : et pardus cum haedo accubabit : vitulus, et leo, et ovis simul morabuntur, et puer parvulus minabit eos. Vitulus, et ursus pascuntur : simul requiescent catuli eorum, et leo quasi bos comedet paleas.

**R.** Ecce Dominus veniet, et omnes sancti ejus cum eo, et erit in die illa lux magna : et exibunt de Jerusalem sicut aqua mun-

da : et regnabit Dóminus in ætérnum, \* Super omnes Gentes. *V.* Ecce Dóminus cum virtúte véniet : et regnum in manu ejus, et potéstas, et impérium. — Super.

*Lectio iij.*

**E**T delectabitur infans ab úbere super forámine áspidis : et in cavérna réguli, qui ablactátus fúerit, manum suam mittet. Non nocébunt, et non occídent in univérso monte sancto meo : quia repléta est terra sciéntia Dómini, sicut aquæ maris operiéntes. In die illa radix Jesse, qui stat in signum populórum, ipsum gentes deprecabúntur, et erit sepúlcrum ejus gloriósum.

*R.* Cívitas Jerúsalem noli flere : quóniam dóluit Dóminus super te, \* Et áuferet a te omnem tribulatió-nem. *V.* Ecce Dóminus in fortitúdine véniet : et brá-chium ejus dominábitur. — Et áuferet. *Gloria* Patri. Et áuferet.

*In II. Nocturno.*

De Expositiône sancti Hierónymi Presbyteri in Isaíam Prophétam.

*Lib. 4. cap. xj. Isaíæ.*

*Lectio iv.*

**E**T egrediétur virga de radice Jesse. *U*sque ad principium visiónis, vel pón-deris Babylónis, quod vidit Isaías filius Amos, omnis hæc prophetia de Christo est : quam per partes vólumus explanáre, ne simul propósita atque dissérta, lectóris confúndat memóriam. Virgam et florem de radice Jesse ipsum Dóminum Judæi interpretántur : quod scílicet in virga regnántis poténtia, in flore pulchritúdo mon-strétur.

*R.* Ecce véniet Dóminus protéctor noster, sanctus Israel, \* Corónam regni habens in cápite suo. *V.* Et dominábitur a mari usque ad mare, et a flúmine usque ad términos orbis terrárum. — Corónam.

*Lectio v.*

**N**OS autem virgam de radice Jesse sanctam Mariám Virgínam intelligámus, quæ nullum hábit sibi frúcticem cohæréntem : de qua et supra légimus : Ecce virgo concipiet, et páriet filium. Et florem, Dóminum Salvatórem, qui dicit in Cántico canticó-

rum : Ego flos campi, et lílium convállium.

*R.* Sicut mater consolá-tur filios suos, ita conso-lábor vos, dicit Dóminus : et de Jerúsalem civítate quam elégi, véniet vobis auxiliúm : \* Et vidébitis, et gaudébit cor vestrum. *V.* Dabo in Sion salútem, et in Jerúsalem glóriam meam. — Et vidébitis.

*Lectio vj.*

**S**uper hunc igitur florem, qui de trunco et radice Jesse per Mariám Virgínam repénite consúrget, requiescet Spíritus Dómini : quia in ipso compláuit omnem plenitú-dinem divinitátis habitáre corporaliter : nequáquam per partes, ut in céteris sanctis : sed juxta Evan-gélium eórum, quod He-bræo sermóne conscrip-tum legunt Nazaræi : Descéndet super eum omnis fons Spíritus sancti. Dóminus autem Spíritus est : ubi Spíritus Dómini, ibi libértas.

*R.* Jerúsalem plantábis víneam in móntibus tuis : exsultábis, quóniam dies Dómini véniet : surge Sion, convértere ad Dóminum Deum tuum : gau-de et lætáre Jacob, \* Quia

de médio Géntium Salvá-tor tuus véniet. *V.* Exsulta satis filia Sion : júbila filia Jerúsalem. — Quia. *Gloria* Patri. Quia.

*In III. Nocturno.*

Léctio sancti Evangélii secúndum Matthæum.

*Lectio vij.**Cap. xj.*

**I**N illo témpore : Cum audísset Joánnes in vinculis ópera Christi, mittens duos de discipulis suis, ait illi : Tu es qui ventúrus es, an álium exspectámus? Et réliqua.

Homília sancti Gregórii Papæ.

*Homília vj. in Evang. post initium.*

Isis tot signis, tantisque virtútibus, non scandalizári quisque pótuit, sed admirári. Sed infidélium mens grave in illo scándalum pértulit, cum eum post tot miracula moriéntem vidit. Unde et Paulus dicit : Nos autem prædicá-mus Christum crucifixum, Judæis quidem scándalum, Géntibus autem stultítiam. Stultum quippe homínibus visum est, ut pro homínibus auctor vitæ morerétur : et inde contra eum homo scándalum

sumpsit, unde ei ámplius débitor fieri débuit. Nam tanto Deus ab hominibus dignius honorándus est, quanto pro hominibus et indigna suscepit.

**R.** Egrediétur Dóminus de Samaria ad portam, quæ respicit ad Oriéntem: et véniet in Béthlehem, ámbulans super aquas redemptionis Judæ: \* Tunc salvus erit omnis homo: quia ecce véniet. **V.** Et præparábitur in misericórdia sólium ejus, et sedébit super illud in veritate. — Tunc.

**Lectio viij.**

**Q**uid est ergo dicere, Beátus qui non fuerit scandalizátus in me; nisi apérta voce abjectiónem mortis suæ, humilitatémque signáre? Ac si paténter dicat: Mira quidem fácio, sed abjecta pépeti non dedignor. Quia ergo moriéndo te subsequor, cavéndum valde est hominibus, ne in me mortem despiciant, qui signa venerántur.

**R.** Festína, ne tardáveris Dómine: \* Et líbera pópulum tuum. **V.** Veni Dómine, et noli tardáre, reláxa facínora plebi tuæ. — Et líbera.

**Lectio ix.**

**S**ED dimíssis Joánnis discipulis, quid de eódem Joánne turbis dicat, audiámus: Quid exístis in desértum vidére? Arúndinem vento agitátam? Quod vidélicet non asseréndo, sed negándo intulit. Arúndinem quippe mox ut aura contigerit, in partem álteram inflectit. Et quid per arúndinem, nisi carnális ánimus designátur? Qui mox ut fávóre, vel detractióne tángitur, statim in partem quámlibet inclinátur?

**R.** Ecce Dóminus véniet cum splendóre descéndens, et virtus ejus cum eo, \* Visitáre pópulum suum in pace, et constituére super eum vitam sempitérnám. **V.** Ecce Dóminus noster cum virtúte véniet. — Visitáre. Glória Patri. Visitáre.

**AD LAUDES,**

**et per Horas, Añæ.**

1. Ecce in núbibus \* coeli Dóminus véniet cum potestáte magna, allelúia.
2. Urbs fortitúdinis \* nostræ Sion, Salvátor ponétur in ea murus et antemurále: aperíte portas, quia nobiscum Deus, allelúia.

3. Ecce apparébit \* Dóminus, et non mentiétur: si moram fécerit, exspéctá eum, quia véniet, et non tardábit, allelúia.

4. Montes et colles \* cantábunt coram Deo laudem, et ómnia ligna silvárum plaudent mánibus: quóniam véniet Dominátor Dóminus in regnum ætérnum, allelúia, allelúia.

5. Ecce Dóminus \* noster cum virtúte véniet, et illuminábit óculos servórum suórum, allelúia.

**Capitulum. Rom. xv.**

**F**Ratres, Quæcúmque scripta sunt, ad nostram doctrínam scripta sunt: ut per patiéntiam, et consolatióem Scripturarum, spem habeámus.

**Hymnus.**

**E**N clara vox redárguit Obscúra quæque, per-sonans: Procul fugéntur sómnia: Ab alto Jesus prómicat. Mens jam resúrgat tórpicada, Non ámplius jacens humi: Sidus refúlget jam novum; Ut tollat omne nóxium. **E**n Agnus ad nos mittitur Laxáre gratis débitum:

Omnes simul cum lácry-  
mis

Precémur indulgéntiam. **U**t, cum secúndo fúlserit, Metúque mundum cinxerit,

Non pro reátu púniat, Sed nos pius tunc próte-  
gat.

**V**irtus, honor, laus, glória Deo Patri cum Filio, Sancto simul Paráclito, In sæculórum sæcula. Amen.

**V.** Vox clamántis in desérto, Paráte viam Dómini. **R.** Rectas fácite sémitas ejus.

**Ad Bened. Añæ.** Joánnes autem \* cum audisset in vínculis ópera Christi, mittens duos ex discipulis suis, ait illi: Tu es qui ventúrus es, an álium exspectámus?

**Oratio.**

**E**Xcita Dómine corda nostra ad præparándas Unigéniti tui vias: ut per ejus advéntum purificátis tibi méntibus servíre mereámur. Qui tecum vivit et regnat.

**AD TERTIAM.**

**Capit. ut supra ad Laud.**

**R. br.** Veni ad liberándum nos, \* Dómine Deus virtútum. Veni. **V.** Osténde fáciem tuam, et salvi éri-

mus. Dómine Deus. Gló-  
ria Patri. Veni.

*V.* Timébunt Gentes no-  
men tuum Dómine. *R.* Et  
omnes reges terræ gló-  
riam tuam.

AD SEXTAM.

*Capítulum.* Rom. xv.

**D**eus autem paciéntiæ,  
et solátii det vobis  
idípsum sáperum in alté-  
rum secúndum Jesum  
Christum : ut unáni-  
mes, uno ore honorificétis  
Deum, et Patrem Dómini  
nostri Jesu Christi.

*R.* *br.* Osténde nobis  
Dómine, \* Misericórdiam  
tuam. Osténde. *V.* Et sa-  
lutáre tuum da nobis. Mi-  
sericórdiam. Glória Patri.  
Osténde.

*V.* Meménto nostri Dó-  
mine in beneplácito pó-  
puli tui. *R.* Vísita nos in  
salutári tuo.

AD NONAM.

*Capítulum.* Rom. xv. c

**D**eus autem spei ré-  
pleat vos omni gáu-  
dio et pace in credéndo :  
ut abundétis in spe, et in  
virtúte Spíritus sancti.

*R.* *br.* Super te Jerúsa-  
lem, \* Oriétur Dóminus.  
Super. *V.* Et glória ejus in  
te vidébitur. Oriétur. Gló-  
ria Patri. Super.

*V.* Dómine Deus virtú-

tum convérte nos. *R.* Et  
osténde fáciem tuam, et  
salvi érimus.

AD VESPERAS.

*Antiphonæ de Laudi-  
bus.* 206.

*Psalmi de Psalterio.* 150.

*Capítulum ut supra ad  
Laudes.* 207.

*Hymnus.* Creatór alme.  
ut supra. 187.

*V.* Roráte cœli désuper,  
et nubes pluant justum.  
*R.* Aperiátur terra, et  
gérminet Salvatórem.

*Ad Magnif. Aña.* Tu es  
qui ventúrus es, \* análium  
exspectámus? Dícite Joán-  
ni quæ vidistis : Ad lu-  
men rédeunt cæci, mór-  
tui resúrgunt, páuperes  
evangelizántur, allelúia.

*Post Vesperas diei dicun-  
tur Vesperæ Defunctor.*

FERIA SECUNDA.

*Ad Matutinum, Invitat.*

Regem ventúrum. 3.

*Ps.* Veníte. 2. et *Hymn.*  
Verbum. ut in *Psalterio.* 4.

De Isaía Prophéta.

*Lectio j.* *Cap. xiiij.*

**G**nus Babylónis,  
quod vidit Isaías  
fílius Amos. Super  
montem caliginósum le-  
vâte signum, exaltáte vo-  
cem, levâte manum, et  
ingrediántur portas du-

ces. Ego mandávi sanctifi-  
cátis meis, et vocávi fortes  
meos in ira mea, exsul-  
tantes in glória mea. Vox  
multitúdinis in móntibus,  
quasi populórum frequén-  
tium : vox sónitus regum,  
géntium congregatarum.

*R.* Súscipe verbum. 195.

*Lectio ij.*

**D**ominus exercítuum  
præcépit milítiae bel-  
li, veniéntibus de terra  
procul a summitáte cœli :  
Dóminus, et vasa furóris  
ejus, ut dispérdat omnem  
terram. Ululáte, quia pro-  
pe est dies Dómini : quasi  
vástitas a Dómino veniet.  
Propter hoc omnes manus  
dissolvéntur, et omne cor  
hóminis contabéscet, et  
conterétur. Torsiónes et  
dolóres tenébunt, quasi  
partúriens dolébunt : unus-  
quisque ad próximum  
suum stupébit, fácies com-  
bústæ vultus eórum.

*R.* Læténtur cœli. 196.

*Lectio iij.*

**E**cce dies Dómini vé-  
niet, crudélis, et in-  
dignationis plenus, et iræ,  
furorisque, ad ponéndam  
terram in solitúdinem, et  
peccatóres ejus conterén-  
dos de ea. Quóniam stellæ  
cœli, et splendor eárum  
non expándent lumen

suum : obtenebrátus est  
sol in ortu suo, et luna non  
splendébit in lúmine suo.  
Et visitábo super orbis  
mala, et contra impios ini-  
quitátem eórum, et quié-  
scere fáciem superbiam  
infidélium, et arrogán-  
tiam fórtium humiliábo.

*R.* Aliéni. 196.

*Ad Laudes, et per Horas,  
ut supra annotatur.* 196.

*V.* Vox clamántis in de-  
sérto, Paráte viam Dómi-  
ni. *R.* Rectas fácite sémi-  
tas ejus

*Ad Bened. Aña.* De cœlo  
veniet \* Dominátor Dó-  
minus, et in manu ejus  
honor et impérium.

*Oratio.* Excita Dñe. 207.  
*Hodie dicitur Officium  
Defunctorum.*

*V.* Roráte cœli.

*Ad Magnificat, Aña.* Ecce  
veniet Rex \* Dóminus ter-  
ræ, et ipse áuferet jugum  
captivitátis nostræ.

FERIA TERTIA.

De Isaía Prophéta.

*Lectio j.* *Cap. xiv.*

**R**ope est ut veniat  
tempus ejus, et  
dies ejus non elon-  
gabúntur. Miserébitur  
enim Dóminus Jacob, et  
éliget adhuc de Israel,

et requiescere eos faciet super humum suam : adjungetur advena ad eos, et adhærebit domui Jacob. Et tenebunt eos populi, et adducent eos in locum suum : et possidebit eos domus Israel super terram Domini in servos et ancillas : et erunt capientes eos, qui se ceperant, et subjicient exactores suos.

℞. Montes Israel. 197.

Lectio ij.

**E**T erit in die illa : cum requiem dederit tibi Deus a labore tuo, et a concussione tua, et a servitute dura, qua ante servisti : sumes parabolam istam contra regem Babylonis, et dices : Quomodo cessavit exactor, qui evit tributum? Contrivit Dominus baculum impiorum, virgam dominantium, cadentem populos in indignatione, plaga insanabili, subjicientem in furore gentes, persequentem crudeliter.

℞. Erumpant. 198.

Lectio iij.

**Q**uomodo cecidisti de caelo lucifer, qui manebas in terra, qui vulnerabas gentes? qui dicebas in corde

tuo : In caelum conscendam, super astra Dei exaltabo solium meum, sedebo in monte testamento, in lateribus Aquilonis. Ascendam super altitudinem nubium, similis ero Altissimo. Verumtamen ad infernum detraheris in profundum laci.

℞. Ecce ab Austro. 198.

℣. Vox clamantis in deserto, Parate viam Domini. ℞. Rectas facite semitas ejus.

**Ad Bened. Aña.** Super te \* Jerusalem oriatur Dominus, et gloria ejus in te videbitur.

℣. Rorate caeli desuper, et nubes pluant justum. ℞. Aperiatur terra, et germinet Salvatorem.

**Ad Magnificat, Aña.** Vox clamantis \* in deserto, Parate viam Domini, rectas facite semitas Dei nostri.

FERIA QUARTA.  
De Isaia Propheta.

Lectio j. Cap. xvj.



Mitte Agnum Domine Dominatorem terrae, de Petra deserti ad montem filiae Sion. Et erit : Sicut avis fugiens, et pulli de

nido avolantes, sic erunt filiae Moab in transcensu Arnon. Ini consilium, coge concilium : pone quasi noctem umbram tuam in meridie : absconde fugientes, et vagos ne prodas. Habitabunt apud te profugi mei : Moab esto latibulum eorum a facie vastatoris.

℞. Rex noster. 198.

Lectio ij.

**F**initus est enim pulvis, consummatus est miser, defecit qui concubabat terram. Et praeparabitur in misericordia solium, et sedebit super illud in veritate in tabernaculo David, iudicans et quaerens iudicium, et velociter reddens quod justum est. Audivimus superbiam Moab, superbus est valde : superbia ejus et arrogantia ejus et indignatio ejus plus quam fortitudo ejus.

℞. Ante multum. 199.

Lectio iij.

**I**dcirco ululabit Moab ad Moab, universus ululabit : his qui laetantur super muros cocti lateris, super loquimini plagas suas. Quoniam suburbana Hesebon deserta sunt, et vineam Sabama domini

Gentium exciderunt : flagella ejus usque ad Jazer pervenerunt : erraverunt in deserto, propaggines ejus relictæ sunt, transierunt mare.

℞. Ecce Dominus veniet cum splendore descendens, et virtus ejus cum eo, \* Visitare populum suum in pace, et constituere super eum vitam sempiternam. ℣. Ecce Dominus noster cum virtute veniet. — Visitare populum. Gloria Patri. Visitare populum.

℣. Vox clamantis.

**Ad Bened. Aña.** Ecce ego mitto \* Angelum meum, qui praeparabit viam ante faciem tuam.

℣. Rorate caeli.

**Ad Magnif. Aña.** Sion renovaberis, \* et videbis justum tuum, qui venturus est in te.

FERIA QUINTA.

De Isaia Propheta.

Lectio j. Cap. xix.



Nus Aegypti. Ecce Dominus ascendet super nubem levem, et ingrediatur Aegyptum, et commovebuntur simulacra Aegypti a facie ejus, et cor Aegypti tabescet in medio ejus. Et

concurrere faciam Ægyptios adversus Ægyptios: et pugnabit vir contra fratrem suum, et vir contra amicum suum, civitas adversus civitatem, regnum adversus regnum.

℞. Jerúsalem. 203.

*Lectio ij.*

**E**T dirumpetur spiritus Ægypti in visceribus ejus, et consilium ejus precipitabo: et interrogabunt simulacra sua, et divinos suos, et pythones, et ariolos. Et tradam Ægyptum in manu dominorum crudelium, et rex fortis dominabitur eorum, ait Dominus Deus exercituum. Et arrescet aqua de mari, et fluvius desolabitur, atque siccabitur. Et deficient flumina: attenuabuntur, et siccabuntur rivi aggerum.

℞. Ecce Dominus. 203.

*Lectio iij.*

**S**TULTI principes Taneos, sapientes consiliarii Pharaonis dederunt consilium insipiens: quomodo dicetis Pharaoni: Filius sapientium ego, filius regum antiquorum? Ubi nunc sunt sapientes tui? annuntient tibi, et indicent quid cogitaverit Dominus exercituum super Ægyptum. Stulti facti

sunt principes Taneos, emarcuerunt principes Mempheos, deceperunt Ægyptum, angulum populorum ejus.

℞. Civitas Jerúsalem. 204.

℞. Vox clamantis in deserto, Parate viam Domini. ℞. Rectas facite semitas ejus.

**Ad Bened. Añã.** Tu es qui venturus es \* Domine, quem exspectamus, ut salvum facias populum tuum.

℞. Rorate celi desuper, et nubes pluant justum.

℞. Aperiatur terra, et germinet Salvatorem.

**Ad Magnif. Añã.** Qui post me veniet, \* ante me factus est: cujus non sum dignus calceamenta solvere.

FERIA SEXTA.

De Isaia Propheta.

*Lectio j.* **Cap. xxiv.**

**S**icce Dominus dissipabit terram, et nudabit eam, et affliget faciem ejus, et disperget habitatores ejus. Et erit sicut populus, sic sacerdos: et sicut servus, sic dominus ejus: sicut ancilla, sic domina ejus: sicut emens, sic ille qui vendit: sicut fenerator, sic is qui mutuum accipit:

sicut qui repetit, sic qui debet. Dissipatione dissipabitur terra, et direptione praedabitur. Dominus enim locutus est verbum hoc. ℞. Ecce veniet. 204.

*Lectio ij.*

**L**uxit, et defluxit terra, et infirmata est: defluxit orbis, infirmata est altitudo populi terrae. Et terra infecta est ab habitatoribus suis: quia transgressi sunt leges, mutaverunt jus, dissipaverunt foedus sempiternum. Propter hoc maledictio vorabit terram, et peccabunt habitatores ejus: ideoque insanient cultores ejus, et relinquuntur homines pauci. ℞. Sicut mater. 205.

*Lectio iij.*

**L**uxit vindemia, infirmata est vitis, ingemuerunt omnes qui laetabantur corde. Cessavit gaudium tympanorum, quievit sonitus laetantium, conticuit dulcedo citharæ. Cum cantico non bibent vinum: amara erit portio bibentibus illam. Attrita est civitas vanitatis, clausa est omnis domus nullo introeunte. Clamor erit super vino in platéis: deserta est omnis laetitia: translatum est gaudium

terrae. Relicta est in urbe solitudo, et calamitas opprimet portas. Quia haec erunt in medio terrae, in medio populorum: quomodo si paucae olivae, quae remanserunt, excutiantur ex olea: et racemi, cum fuerit finita vindemia. Hi levabunt vocem suam, atque laudabunt: cum glorificatus fuerit Dominus, hincient de mari. Propter hoc in doctrinis glorificate Dominum: in insulis maris nomen Domini Dei Israel. A finibus terrae laudes audivimus, gloriam justi.

℞. Jerúsalem. 205.

℞. Vox clamantis.

**Ad Bened. Añã.** Dicite, Pusillanimes \* confortamini: ecce Dominus Deus noster veniet.

℞. Rorate celi.

**Ad Magnif. Añã.** Cantate Domino \* canticum novum: laus ejus ab extremis terrae.

SABBATO.

De Isaia Propheta.

*Lectio j.* **Cap. xxv.**

**D**omine Deus meus es tu, exaltabo te, et confitebor nomini tuo: quoniam fecisti mirabilia, cogitationes antiquas fideles, amen. Quia

posuisti civitatem in tumulum, urbem fortem in ruinam, domum alienorum : ut non sit civitas, et in sempiternum non ædificetur. Super hoc laudabit te populus fortis, civitas gentium robustarum timebit te. Quia factus es fortitudo pauperi, fortitudo egeno in tribulatione sua : spes a turbine, umbraculum ab aestu.

℟. Egrediatur. 206.

Lectio ij.

**S**piritus enim robustorum quasi turbo impellens parietem. Sicut aestus in siti, tumultum alienorum humiliabis : et quasi calore sub nube torrente propaginem fortium marcescere facies. Et faciet Dominus exercituum omnibus populis in monte hoc convivium pinguium, convivium vindemiæ, pinguium medullatorum, vindemiæ defæcâtæ. Et præcipitabit in monte isto faciem vinculi colligati super omnes populos, et telam quam orditus est super omnes nationes.

℟. Festina. 206.

Lectio iij.

**P**ræcipitabit mortem in sempiternum : et auferet Dominus Deus lá-

crymam ab omni facie, et opprobrium populi sui auferet de universa terra : quia Dominus locutus est. Et dicet in die illa : Ecce Deus noster iste, expectavimus eum, et salvabit nos : iste Dominus, sustinimus eum, exultabimus, et lætabimur in salutari ejus. Quia requiescet manus Domini in monte isto : et triturbabitur Moab sub eo, sicuti teruntur paleæ in plastro. Et extendet manus suas sub eo, sicut extendit natans ad natandum : et humiliabit gloriam ejus cum allisione manuum ejus. Et mimenta sublimium murorum tuorum concident, et humiliabuntur, et detrahentur in terram usque ad pulverem. ℟. Ecce. 206.

℣. Vox clamantis in deserto, Parate viam Domini. ℟. Rectas facite semitas ejus.

Ad Benedictus, Aña. Levabit Dominus signum \* in nationibus, et congregabit dispersos Israel.

AD VESPERAS.

Capitulum. Philipp. iv.



Ratres, Gaudete in Domino semper, iterum dico gaudete : modestia vestra nota

sit omnibus hominibus : Dominus enim prope est.

Hymnus. Creator alme. ut supra. 187.

℣. Rorate cœli desuper, et nubes pluant justum.

℟. Aperiatur terra, et germinet Salvatorem.

Ad Magnif. Aña. Ante me \* non est formatus Deus, et post me non erit : quia mihi curvabitur omne genu, et confitebitur omnis lingua.

Oratio.

**A**urem tuam, quæsumus Domine, precibus nostris accommoda : et mentis nostræ tenebras gratia tuæ visitationis illustra. Qui vivis et regnas.

DOM. III. ADVENTUS.

AD MATUTINUM.

Invitat. Prope est. ut in Psalterio. 3.

Et dicitur quotidie usque ad Vigil. Nativit. Domini exclusive.

Ps. Venite. 2. et Hymn. Verbum supernum. 4.

In I. Nocturno.

De Isaia Propheta.

Lectio j. Cap. xxvj.

**I**n die illa cantabitur canticum istud in terra Juda : Urbs fortitudinis nostræ

Sion Salvator, ponetur in ea murus et antemurale. Aperite portas, et ingrediatur gens justa, custodiens veritatem. Vetus error abiit : servabis pacem : pacem, quia in te speravimus. Sperastis in Domino in sæculis æternis, in Domino Deo forti in perpetuum. Quia incurvabit habitantes in excelsis, civitatem sublimem humiliabit. Humiliabit eam usque ad terram, detrahet eam usque ad pulverem. Conculcabit eam pes, pedes pauperis, gressus egenorum.

℟. Ecce apparebit Dominus super nubem candidam, \* Et cum eo sanctorum millia : et habebit in vestimento, et in femore suo scriptum : Rex regum, et Dominus dominantium. ℣. Apparebit in finem, et non mentietur : si moram fecerit, expecta eum, quia veniens veniet. — Et.

Lectio ij.

**S**emita justi recta est, rectus callis justi ad ambulandum. Et in semita iudiciorum tuorum Domine sustinimus te : nomen tuum, et memoriale tuum in desiderio animæ. Anima mea desideravit te in

nocte : sed et spírítu meo in præcórdiis meis de mane vigilábo ad te. Cum féceris iudícia tua in terra, justítiam discent habitatóres orbis. Misereámur ímpio, et non discet justítiam : in terra sanctórum iníqua gessit, et non vidébit glóriam Dómini.

**R.** Bèthlehem cívitas Dei summi, ex te éxiet Dominátor Israel, et egréssus ejus sicut a principio diérum æternitátis, et magnificábitur in médio univérse terræ : \* Et pax erit in terra nostra, dum vénerit. **V.** Loquétur pacem in Géntibus, et potéstas ejus a mari usque ad mare. — Et pax.

**Lectio iij.**

**D**omine exaltétur manus tua, et non vídeant : vídeant, et confundántur zelántes pópuli : et ignis hostes tuos devoret. Dómine dabis pacem nobis : ómnia enim ópera nostra operátus es nobis. Dómine Deus noster, possederunt nos dómíni absque te, tantum in te recordémur nóminis tui. Moriéntes non vivant, gigantes non resúrgant : proptérea visitásti et contrivísti eos, et perdidísti

omnem memóriam eórum.

**R.** Qui ventúrus est, véniet, et non tardábit : et jam non erit timor in finibus nostris : \* Quóniam ipse est Salvátor noster.

**V.** Depónet omnes iniquitátes nostras : et projiciet in profúndum maris ómnia peccáta nostra. — Quóniam. **Gloria Patri.** Quóniam.

**In II. Nocturno.**

Sermo sancti Leónis Papæ.

**Serm. ij. de jejunio decimi mensis, et collectis.**

**Lectio ib.**

**Q**uod témporis rátio, et devotiónis nostræ admonet consuetúdo, pastoráli vobis, dilectíssimi, sollicitúdine prædicámus, Décimi mensis celebrándum esse jejúnium, quo pro consummáta perceptiõe ómnium frúctuum, digníssime largitóri eórum Deo continéntiæ libámen offértur. Quid enim potest effícius esse jejúnio? cujus observántia appropinquámus Deo, et resisténtes diabolo, vítia blanda superámus.

**R.** Ægypte noli flere : quia Dominátor tuus véniet tibi, ante cujus conspé-

ctum movebúntur abysso, \* Liberáre pópulum suum de manu poténtiæ. **V.** Ecce véniet Dóminus exercítuum, Deus tuus cum potestáte magna. — Liberáre.

**Lectio v.**

**S**emper enim virtútibus jejúnium fuit. De abstinéntia dénique pródeunt castæ cogitatiões, rationábiles voluntátes, salubrióra consília : et per voluntárias afflictiões caro concupiscéntiis móritur, virtútibus spírítus innovátur. Sed quia non solo jejúnio animárum nostrárum salus acquiritur : jejúnium nostrum misericórdiis páuperum suppleámus. Impendámus virtúti, quod subtráhimus voluptáti. Fiat refectiõe páuperis abstinéntia jejúnantis.

**R.** Prope est ut véniat tempus ejus, et dies ejus non elongabúntur : \* Miserébitur Dóminus Jacob, et Israel salvábitur. **V.** Revertere virgo Israel, revertere ad civitátes tuas. — Miserébitur.

**Lectio vj.**

**S**tudeámus viduárum defensiõi, pupillórum utilitáti, lugéntium

consolatiõi, dissidéntium paci. Suscipiátur peregrínus, adjuvétur opprèssus, vestiátur nudus, foveátur ægrótu : ut quicumque nostrum de justis labóribus auctóri bonórum ómnium Deo sacrificium hujus pietátis obtúlerit, ab eódem regni cœléstis præmíum percípere mereátur. Quarta ígitur et sexta féria jejunémus : Sábbato autem apud beátum Petrum Apóstolum páriter vigilémus : cujus suffragántibus méritis, quæ póscimus, impetráre possimus, per Dóminum nostrum Jesum Christum, qui cum Patre et sancto Spírítu vivit et regnat in sæcula sæculórum. Amen.

**R.** Descéndet Dóminus sicut plúvia in vellus : \* Oriétur in diébus ejus justítia, et abundántia pacis. **V.** Et adorábunt eum omnes reges, omnes Gentes sérvient ei. — Oriétur. **Gloria Patri.** Oriétur.

**In III. Nocturno.**

Lectiõe sancti Evangélii secúndum Joánnem.

**Lectio vij.**

**Cap. j. c**

**I**n illo témpore : Miserunt Judæi ab Jerosólymis sacerdótes et Le-